

ՄԱՍ 4. ՀԱՅԱՍՏԱՆ.
ԱՂՔԱՏՈՒԹՅԱՆ ՍՈՒԲՅԵԿՏԻՎ
ԳՆԱՀԱՏԱԿԱՆԸ 2016թ.-ին

Գլուխ 11. Աղքատության և կենսամակարդակի վերաբերյալ սուբյեկտիվ գնահատականները

Աղքատությունը բազմաբնույթ է և կարող է չափվել և՛ օբյեկտիվ, և՛ սուբյեկտիվ մոտեցումներով: Հայաստանում 2016թ.-ին բարեկեցության մասին սուբյեկտիվ գնահատականները (իրենց բարեկեցության վերաբերյալ անհատների անձնական տեսակետները) 1.8 անգամ ցածր են օբյեկտիվ գնահատականներից (աղքատության մակարդակները գնահատվել են, համապատասխանաբար, 16.6% և 29.4%):

Իրենց ծայրահեղ աղքատ են համարել 1.4%-ը, ինչը մոտ է սպառման ցուցանիշով գնահատված ծայրահեղ աղքատության մակարդակին (1.8%):

Ըստ կենսամակարդակի սուբյեկտիվ գնահատականի՝ 2016թ.-ին աղքատության մակարդակը 0.4 տոկոսային կետով ցածր է 2008 թ.-ի մակարդակից (17.0 %):

11.1. Բնակչության կարծիքն իր կենսամակարդակի վերաբերյալ

2016թ.-ի հետազոտության շրջանակներում ուսումնասիրվել է տնային տնտեսությունների 16 և բարձր տարիքի անդամների կարծիքը կենսամակարդակի առաջնային խնդիրների վերաբերյալ:

Աղյուսակ 11.1. Հայաստան. Տնային տնտեսությունների անդամների համար առավել առաջնային խնդիրները, 2016թ.

(տոկոսներով)

| Առաջնային խնդիրները | 2016թ. |
|--|--------|
| Մննդի ապահովման խնդիր | 11.6 |
| Ոչ պարենային առաջնային կարիքներ | 34.3 |
| Բնակարանային հիմնահարց | 23.7 |
| Երեխաներին բավարար կրթությամբ ապահովելու խնդիր | 3.1 |
| Առողջության խնդիր | 8.4 |
| Այլ | 18.9 |

Աղբյուրը. SSԿԱՀ 2016թ.

2016թ.-ին սննդի ապահովման հարցը հիմնական խնդիր համարող տնային տնտեսությունների անդամների մասնաբաժինը 2015թ.-ի համեմատ 2,5%-ով նվազել է և կազմել՝ 11.6% (2015թ.-ին՝ 14.1%): Տնային տնտեսությունների 16 և բարձր տարիքի անդամների 34.3%-ի գնահատմամբ, ոչ պարենային կարիքներից բավարարվածությունը համարվում է կարևոր հիմնախնդիր: Հարցվողների (23.7%) համար ինչպես նախորդ տարիներին, այնպես էլ 2016թ.-ին կարևոր հարցերից մեկը բնակարանային հիմնահարցն է: Ինչպես 2015թ.-ին, այնպես էլ 2016թ.-ին տնային տնտեսությունների 8.4% անդամների համար ամենաառաջնային խնդիրն առողջապահական ծառայություններից օգտվելու հնարավորությունից զուրկ լինելն է: Հարցվողների 3.1%-ը որպես առաջնային խնդիր նշել է երեխաներին բավարար կրթությամբ ապահովելու անկարողությունը, իսկ 18.9%-ը նշել է այլ առաջնային խնդիրներ:

2008-2016թթ.-ին կենսամակարդակի սուբյեկտիվ գնահատականը փոփոխվել է հետևյալ կերպ.

Աղյուսակ 11.2 Հայաստան. Կենսամակարդակի սուբյեկտիվ գնահատականը, 2008-2016թթ.

(տոկոսներով)

| | Կենսամակարդակի սուբյեկտիվ գնահատականը | | | | | |
|--------|---------------------------------------|-------|--------------|-------|---------------|---------|
| | ծայրահեղ աղքատ | աղքատ | միջինից ցածր | միջին | միջինից բարձր | հարուստ |
| 2008թ. | 2.3 | 14.7 | 35.6 | 43.0 | 4.2 | 0.2 |
| 2009թ. | 2.9 | 15.0 | 37.3 | 41.3 | 3.4 | 0.1 |
| 2010թ. | 2.2 | 12.4 | 38.8 | 42.2 | 4.0 | 0.4 |
| 2011թ. | 2.1 | 13.3 | 38.2 | 43.2 | 3.1 | 0.1 |
| 2012թ. | 3.1 | 14.5 | 38.2 | 39.9 | 4.2 | 0.1 |
| 2013թ. | 3.3 | 14.7 | 40.7 | 36.6 | 4.6 | 0.1 |
| 2014թ. | 2.4 | 14.6 | 42.3 | 36.5 | 4.1 | 0.1 |
| 2015թ. | 1.9 | 13.7 | 45.1 | 36.1 | 3.2 | 0.0 |
| 2016թ. | 1.4 | 15.2 | 45.8 | 34.3 | 3.2 | 0.1 |

Աղբյուրը. SSYU22008-2016թթ.

Ըստ կենսամակարդակի սուբյեկտիվ գնահատականի՝ 2016թ.-ին **աղքատ (ներառյալ ծայրահեղ աղքատ) են իրենց համարել բնակչության 16.6%-ը** (2008թ.-ի 17.0%-ի համեմատ): Ըստ հարցվածների ինքնագնահատման՝ 2016թ.-ին.

- միջին կենսամակարդակ ունեցել են հարցվածների 34.3%-ը՝ 2008թ.-ի 43.0%-ի համեմատ,
- 45.8%-ի կարծիքով իրենց կենսամակարդակը միջինից ցածր է՝ 2008թ.-ի 35.6%-ի համեմատ,
- իրենց հարուստ են համարել հարցվածների 0.1%-ը՝ 2008թ.-ի 0.2%-ի համեմատ,
- 3.2%-ը գտել է, որ ունի միջինից բարձր կենսամակարդակ՝ 2008թ.-ի 4.2%-ի համեմատ:

2016թ.-ին իրենց կենսամակարդակը գնահատել են միջինից ցածր հարցվածների 45.8%-ը՝ 2008թ.-ի 35.6%-ի դիմաց (10.2 տոկոսային կետով աճ), հակառակ դրան իրենց կենսամակարդակը միջին են գնահատել հարցվածների 34.3%-ը, որը 2008թ.-ի 43.0%-ի համեմատ նվազել է 8.7 տոկոսային կետով: Թե որքանով են համընկնում կենսամակարդակի սուբյեկտիվ և օբյեկտիվ գնահատականները, երևում է ստորև ներկայացված աղյուսակից, որտեղ տնային տնտեսությունների անդամները բաշխվել են ըստ սեփական կենսամակարդակին տրված իրենց իսկ գնահատականների և ըստ յուրաքանչյուր տնային տնտեսության անդամների համար հաշվարկված մեկ չափահասին համարժեք սպառման ագրեգատի, ինչին համապատասխան նրանք բաշխվել են՝ ըստ աղքատության մակարդակի:

Ինչպես երևում է Աղյուսակ 11.3-ից, ըստ օբյեկտիվ գնահատականի՝ առաջին (ամենաաղքատ) սպառման դեցիլային խմբի բնակչության 32.1%-ի կարծիքը համընկել է սեփական կենսամակարդակին (ծայրահեղ աղքատ և աղքատ) տրված իրենց իսկ գնահատականներին: Իսկ տասներորդ (ամենահարուստ) սպառման դեցիլային խմբի բնակչության միայն 4.4%-ի կարծիքն է համընկել սեփական (միջինից բարձր և հարուստ) գնահատականներին:

Աղյուսակ 11.3. Հայաստան. Կենսամակարդակի սուբյեկտիվ և օբյեկտիվ (ըստ սպառման ագրեգատի դեցիլային խմբերի) գնահատականները
(%-ով՝ յուրաքանչյուր դեցիլային խմբի մեջ), 2016թ.

(տոկոսներով)

| Սպառման ագրեգատի դեցիլային խմբեր (օբյեկտիվ գնահատական) | Կենսամակարդակի սուբյեկտիվ գնահատականը | | | | | |
|--|---------------------------------------|-------|--------------|-------|---------------|---------|
| | ծայրահեղ աղքատ | աղքատ | միջինից ցածր | միջին | միջինից բարձր | հարուստ |
| Ընդամենը | 1.4 | 15.2 | 45.8 | 34.3 | 3.2 | 0.1 |
| այդ թվում՝ | | | | | | |
| Առաջին դեցիլ | 4.7 | 27.4 | 47.1 | 19.3 | 1.5 | - |
| II | 1.1 | 14.6 | 52.8 | 29.3 | 2.2 | - |
| III | 2.2 | 17.2 | 44.3 | 33.2 | 3.1 | - |
| IV | 1.3 | 12.4 | 40.7 | 39.4 | 6.2 | - |
| V | 1.6 | 14.9 | 47.9 | 31.8 | 3.8 | - |
| VI | .8 | 10.5 | 52.1 | 33.2 | 3.4 | - |
| VII | 1.2 | 15.9 | 42.0 | 37.9 | 2.8 | .2 |
| VIII | 1.2 | 14.2 | 44.2 | 36.9 | 3.5 | - |
| IX | .1 | 13.0 | 46.7 | 38.1 | 2.0 | .1 |
| Տասներորդ դեցիլ | .1 | 12.8 | 39.5 | 43.2 | 3.8 | .6 |

Աղբյուրը. SS4ULՀ 2016

Նշում. Սպառումը հաշվարկվել է ըստ մեկ չափահասի սպառմանը համարժեք:


Չնայած արդյունքները հիմնականում համընկնում են, սակայն ընդհանուր աղքատության սուբյեկտիվ գնահատականն ավելի ցածր է, քան օբյեկտիվը: Իրեն աղքատ է համարել (չհաշված ծայրահեղ աղքատներին) բնակչության 15.2%-ը, մինչդեռ մեկ չափահաս անձին համարժեք սպառման հիման վրա աղքատ է գնահատվել նույն մոտեցումով բնակչության 27.6%-ը: Միևնույն ժամանակ բնակչության 1.4%-ն է իրեն գնահատել ծայրահեղ աղքատ, ինչը մոտ է մեկ չափահաս անձին համարժեք սպառման հիման վրա ծայրահեղ աղքատ գնահատված բնակչության ցուցանիշին՝ 1.8%: Հետաքրքիրն այն է, որ իրենց կենսամակարդակը միջինից բարձր գնահատած բնակչության տեսակարար կշիռը կազմել է 3.2%, և բնակչության միայն 0.1%-ն է իրեն հարուստ համարել:

Գծապատկեր 11.1-ում հետազոտված տնային տնտեսությունները բաշխվել են ըստ իրենց կենսամակարդակին տրված գնահատականների և ըստ մեկ չափահաս անձին համարժեք սպառման հիման վրա գնահատված աղքատության մակարդակի: Մեկ չափահաս անձին համարժեք սպառման հիման վրա ոչ աղքատ գնահատված տնային տնտեսությունների անդամների 0.9%-ն իրեն գնահատել է որպես ծայրահեղ աղքատ, սպառման ագրեգատի հիման վրա աղքատ գնահատված տնային տնտեսությունների անդամների 2.3%-ը կարծում է, որ իրենք ծայրահեղ աղքատ են:

Սպառման ագրեգատով ծայրահեղ աղքատները հետևյալ գնահատականներն են տվել իրենց սոցիալ-տնտեսական վիճակին՝ 9.5%-ն իրեն համարել է ծայրահեղ աղքատ, 46.1%-ը՝ աղքատ, 30.8%-ը՝ միջինից ցածր, 12.4%-ը՝ միջին, 1.3%-ը՝ միջինից բարձր և ոչ մի ծայրահեղ աղքատ չի գնահատել իր կենսամակարդակը հարուստ:

Գծապատկեր 11.1. Հայաստան. Կենսամակարդակի սուբյեկտիվ և օբյեկտիվ գնահատականները, 2016թ.

(տոկոսներով)



Աղբյուրը. *SSYUZ 2016թ.*

Հարցման մասնակիցների պատասխաններն այն հարցին, թե ամսական մեկ շնչի հաշվով որքան գումար է անհրաժեշտ լավ և շատ լավ ապրելու կամ գոյատևելու համար, ըստ 2016թ. հետազոտությունների արդյունքների, բերվում են ստորև.

Աղյուսակ 11.4. Հայաստան. Տնային տնտեսությունների տեսակետը՝ շատ լավ, լավ ապրելու համար և ծայրը ծայրին հասցնելու անհրաժեշտ անվանական ամսական գումարի չափը (մեկ շնչի հաշվով), 2016թ

| | ՀՀ դրամով | ԱՄՆ դոլարով |
|-----------------------|-----------|-------------|
| Շատ լավ ապրելու համար | 655 060 | 1 363 |
| Լավ ապրելու համար | 347 234 | 723 |
| Գոյատևելու համար | 120 523 | 251 |

Աղբյուրը. *SSYUZ 2016թ.*

2016թ. հետազոտության ընթացքում կենսամակարդակը բարձրացնելու ուղղությամբ իրենց ակնկալիքների վերաբերյալ տնային տնտեսության 16 և բարձր տարիքի անդամներից նշել են հետևյալը՝ ինձնից ոչինչ կախված չէ, կառավարությունը պետք է ապահովի աշխատանքով և լավ պայմաններով (39.6%) կամ պլաններ չունեն (19.3%): Հարցվածների 12.3%-ը նշել է, որ փնտրում է եկամտաբեր աշխատանք Հայաստանում, իսկ սեփական գործ Հայաստանում ցանկանում է սկսել միայն 1.1%-ը:

Հարցվածների 23.2%-ի կարծիքով նոր սերունդն ավելի լավ կապրի, 31.5%-ի կարծիքով նոր սերունդն ավելի վատ կապրի, 19.7%-ի կարծիքով՝ նրանք կապրեն նույն ձևով, իսկ հարցվածների 25.6%-ը դժվարացել է պատասխանել այդ հարցին

11.2. Բավարարվածությունը մատուցվող վճարովի ծառայությունների որակից

Հետազոտության ընթացքում պարզվել է հարցմանը մասնակցած տնային տնտեսությունների տեսակետը՝ տարբեր հաստատությունների կողմից մատուցվող վճարովի ծառայությունների վիճակի վերաբերյալ: Աղյուսակ 11.5-ում ներկայացված է հարցման մասնակիցների բավարարվածությունը մատուցվող վճարովի ծառայություններից: Աղյուսակից երևում է, որ 2016թ.-ին տնային տնտեսությունները հիմնականում բավարարված են էլեկտրաէներգիայի մատակարարումից (98%-ը վկայել է այդ մասին): Բավարարվածության աստիճանը բարձր է նաև ջրամատակարարման ծառայությունից՝ 85.8%, հասարակական տրանսպորտի աշխատանքից՝ 82.2%, աղբի հավաքումից՝ 79.8%, փոստի ծառայություններից 76.5%, բանկերի աշխատանքից և ջրահեռացման ծառայությունից՝ 70.8%: Միևնույն ժամանակ տնային տնտեսությունների մի մասը անբավարարվածություն է հայտնել առողջապահության (23.8%), աղբի հավաքման (15.9%) ջրամատակարարման (13.2%), կրթության (13.0%) և հասարակական տրանսպորտի ծառայություններից (12.4%): 2008թ.-ի համեմատ՝ 2016թ.-ին տնային տնտեսությունների բավարարվածությունը մատուցվող վճարովի ծառայություններից աճել է, բացի կրթության, և հեռախոսակապի ծառայություններից :

Աղյուսակ 11.5. Հայաստան. Բավարարվածությունը մատուցվող վճարովի ծառայություններից, 2008 և 2016թթ.

(տոկոսներով)

| Վճարովի ծառայությունների անվանումը | Բավարարված են | | Բավարարված չեն | | Դժվարացել են պատասխանել | |
|------------------------------------|---------------|--------|----------------|--------|-------------------------|--------|
| | 2008թ. | 2016թ. | 2008թ. | 2016թ. | 2008թ. | 2016թ. |
| Ջրամատակարարում | 57.1 | 85.8 | 42.5 | 13.2 | 0.4 | 1.0 |
| Ջրահեռացում | 65.0 | 70.8 | 23.1 | 11.9 | 11.9 | 17.3 |
| Աղբի հավաքում | 54.1 | 79.8 | 42.4 | 15.9 | 3.5 | 4.3 |
| Հեռախոս ստացիոնար | 74.2 | 57.1 | 13.5 | 5.1 | 12.3 | 37.7 |
| Էլեկտրաէներգիայի մատակարարում | 97.4 | 98.0 | 2.4 | 1.5 | 0.2 | .5 |
| Փոստ | 73.7 | 76.5 | 2.6 | 2.0 | 23.7 | 21.5 |
| Բանկերի աշխատանք | 61.4 | 70.8 | 2.4 | 4.7 | 36.2 | 24.4 |
| Ոռոգում | 18.2 | 23.7 | 20.9 | 9.2 | 60.9 | 67.2 |
| Առողջապահություն | 56.1 | 61.4 | 29.0 | 23.8 | 14.9 | 14.7 |
| Կրթություն | 62.2 | 53.8 | 15.5 | 13.0 | 22.3 | 33.2 |
| Հասարակական տրանսպորտ | 80.2 | 82.2 | 15.6 | 12.4 | 4.2 | 5.5 |


Աղբյուրը. 2008 և 2016թթ. SSYU2

Այն հարցին, թե վերջին 12 ամիսների ընթացքում ինչպիսի փոփոխություններ են եղել վերը նշված ծառայությունների մատուցման մեջ, հարցվողների մի մասը դրական տեղաշարժ է նկատել, այսպես, 5.4%-ից՝ (ոռոգում) որպես նվազագույն դրական տեղաշարժ, մինչև 20.6%՝ (բանկերի աշխատանք) որպես առավելագույն դրական տեղաշարժ:

Գծապատկերներ 11.2-ում և 11.3-ում ներկայացված են 2016թ.-ին ծառայությունների մատուցման մեջ կատարված դրական և բացասական փոփոխություններն առավել մանրամասն:

Գծապատկեր 11.2. Հայաստան. Ծառայությունների մատուցման մեջ հարցմանը մասնակցած տնային տնտեսությունների կողմից արձանագրված դրական փոփոխությունները, 2016թ.

(տոկոսներով)




Աղբյուրը. *SS4ULՀ 2016թ.*

2016թ.-ին ծառայությունների մատուցման մեջ արձանագրված ամենադրական տեղաշարժերը կատարվել են բանկերի, փոստի, ջրամատակարարման, աղբահանության, հասարակական տրանսպորտի աշխատանքում և էլեկտրաէներգիայի մատակարարման մեջ:

Գծապատկեր 11.3. Հայաստան. Ծառայությունների մատուցման մեջ հարցմանը մասնակցած տնային տնտեսությունների կողմից արձանագրված բացասական փոփոխությունները, 2016թ.

(տոկոսներով)



Աղբյուրը. *SS4ULՀ 2016թ.*

Համաձայն 2016թ. ՏՏԿԱՀ արդյունքների, ծառայությունների մատուցման գործում արձանագրված ամենաբացասական տեղաշարժերը գրանցվել են առողջապահության (10.6%) և կրթության (5.9%) ոլորտներում (Գծապատկեր 11.3):

Ծառայությունների որակի վատացման դեպքում, հարցմանը մասնակցած տնային տնտեսությունների փոքր մասն է դիմել համապատասխան ծառայությունների ղեկավարությանը: Աղյուսակ 11.6-ում ներկայացված են ծառայությունների որակի վատացում արձանագրած բնակչության ձեռնարկած քայլերը և ստացված արդյունքները: Ինչպես երևում է աղյուսակից, բնակչությունը բավական հազվադեպ է դիմում մատուցվող ծառայությունների որակի բարելավման հայցով:

Բացի քանակական տվյալներից, շատ կարևոր են որակական տվյալները: Այսպես օրինակ, չնայած խմելու ջրի մատակարարման բողոքներին, ղեկավարության կողմից միայն 43.0%-ի դեպքում է նախաձեռնություն ցուցաբերվել շտկելու դրությունը, աղբի հավաքման դեպքում՝ 30.6%-ին, կրթական ծառայությունների մատուցման դեպքում՝ 26.7%-ին առողջապահության ծառայությունների մատուցման վատ աշխատանքի դեպքում ընթացք է տրվել դիմումների 24.1%-ին, հասարակական տրանսպորտի՝ 8.3%-ին:

Աղյուսակ 11.6. Հայաստան. Ծառայությունների որակի վատացման դեպքում դիմելը համապատասխան ծառայությունների ղեկավարությանը, 2008 և 2016թթ.

(տոկոսներով)

| Վճարովի ծառայությունների անվանումը | Գրանցվել է մատուցվող ծառայության որակի վատացում | | Չեն դիմել ղեկավարությանը ծառայության որակի վատացման դեպքում | | Դիմելու դեպքում ղեկավարությունը ձեռնարկել է որոշակի քայլեր իրավիճակը բարելավելու համար | |
|------------------------------------|---|--------|---|---------|--|---------|
| | 2008 թ. | 2016թ. | 2008 թ. | 2016 թ. | 2008 թ. | 2016 թ. |
| Ջրամատակարարում | 10.9 | 2.3 | 93.7 | 96.4 | 19.6 | 43.0 |
| Ջրահեռացում | 3.6 | 0.6 | 97.2 | 98.9 | 52.8 | 75.0 |
| Աղբի հավաքում | 8.6 | 0.8 | 96.6 | 96.9 | 30.8 | 30.6 |
| Հեռախոս | 4.1 | 0.3 | 93.3 | 97.9 | 75.8 | 89.6 |
| Էլեկտրաէներգիայի մատակարարում | 0.8 | 0.9 | 94.8 | 96.1 | 91.1 | 88.6 |
| Փոստ | 0.6 | 0.4 | 99.5 | 99.4 | 84.7 | 93.9 |
| Բանկերի աշխատանք | 0.9 | 1.2 | 99.3 | 99.7 | 84.6 | 29.4 |
| Ոռոգում | 2.2 | 0.9 | 97.2 | 98.6 | 30.2 | 48.0 |
| Առողջապահություն | 7.7 | 10.6 | 98.3 | 99.6 | 30.3 | 24.1 |
| Կրթություն | 6.3 | 5.9 | 99.3 | 99.8 | 34.2 | 26.7 |
| Հասարակական տրանսպորտ | 4.5 | 3.8 | 99.2 | 99.4 | 51.9 | 8.3 |

Աղբյուրը. ՏՏԿԱՀ 2008 և 2016թթ